

ACTION DE
GRACES (EN FORME
DE MEDITATION) FAI-
cte à Dieu sur la vie redonnée à ses
enfans par le benefice de
la Paix.

*A Messieurs Marius & Aurelius les tres-
honoréz Pasteurs de l'Eglise Françoisse
recueillie à Londres.*

Par le Sieur du Pin Docteur és Droicts & Ad-
uocat au Parlement de Paris.



A LONDRES,
Imprimé par Richard Field demeu-
rant à la rue de VVood-street.

1622.

NOTION DE

NOTION DE

Case

F


39

.326

1622nd dup

THE NEWBERRY
LIBRARY

Library of the
University of Chicago



A MESSIEURS, MESSIEURS LES PASTEURS DE L'EGLISE

Françoise recueillie à
Londres.



ESSIEURS,

Ce qui vient de vous, retourne à vous. L'excellence de vos predications (comme aussi celles de quelques Pasteurs douez de graces non vulgaires retiréz ici) auxquelles Dieu m'a faict la grace de me rendre assidu pendant mon sejour en cest heureux Royaume, & les textes sacréz par vous interpretéz pied à pied avec les ornemens requis, & application continuelle & pleinement faicte, ont porté mon Ame & l'inclination d'icelle où desia elle estoit pencheante, c'est assavoir à la meditation à laquelle mon esprit s'est attaché, pour penser plus aux choses diuines qu'aux humaines. Et est arriué qu'au lieu de deffendre la cause des hommes, comme j'ay faict depuis vingt ans & plus au premier Senat de France, j'ay pris un plaisir indicible à vous entendre plaider la cause de Dieu, au lieu de vacquer à l'exercice

A 2

auelle.

*functio de donner auid & conseil à ceux qui le
 demandent, pour remedier aux fluxions & hu-
 meurs d'un proces souuent esfois importun, ma
 delectation a esté d'apprendre de vos bouches les
 preceptes de sante spirituelle, au lieu de comu-
 niquer avec les hommes pour affaires humains,
 ie me suis entretenu au doux contentement que
 recoivent les esprits parlans avec Dieu, & se
 representans iournellement la grandeur de ses
 benefices inestimables par la naissance & re-
 naissance de l'homme. D'ailleurs outre plu-
 sieurs remerciemens faiets à Dieu en vos di-
 uerses predications incontinant apres la nou-
 uelle de paix, vous ayant pris & ordonné ce
 iour extraordinaire & solemnel pour sacrifice
 d'actions de graces au Toutpuissant de son don
 miraculeux, ie me suis trouué en l'Eglise, ou
 suiuant de cœur, volonté, affection, attention
 & intention ces deux eloquens Ambassadeurs
 du Filz de Dieu, auxquels la chaire a esté pre-
 sentée pour le glorifier, en le remerciant par
 leurs predications diuines & prieres arden-
 tes, aussitost & au sortir du Temple, est née
 cest Action de graces qui de droit retourne à
 vous, considerant que plusieurs qui eussent peu
 mieux faire que moy, en donnant au iour les
 tesmoignages de nostre recognoissance deue-
 nuers le ciel, & particulièrement vous autres
 sieurs n'auex le loisir distraits & empe-
 schés*

schéz par vos predications frequentes & autres saintes exercices qui en dependent. Ainsi est aduenus que comme on se noircit au Soleil sans y penser, aussi entendant tant de belles predications & saintes meditations, ceste miennepetite s'est formée en un instant, & l'effect d'icelle remonte à sa cause & à son origine. Je vous supplie tres humblement le prendre en bon part, & comme ie suis obligé de cherir toute ma vie l'honneur & la faueur de vostre cognoissance, & benir les heures esquelles i ay veu & entendu personpages si excellens en doctrine & pieté, en vous entendant & voyant, aussi ie vous supplie me croire sans fin, de cœur, d'ame, & d'affection entierement vostre. Et sur ceste verité ie prieray Dieu nostre Pere, auquel vous serués en son Eglise.

Messieurs, Benir de plus en plus l'allai-gresse par vous apportée en l'exercice heureux & glorieux de vostre saint Ministère, vous fortifier contre toutes difficultéz qui l'accompagnent, vous donner de surmonter les em-peschemens qui s'y rencontrent, & tousiours avec la continuation d'une longue & heureuse vie en bonne & ferme santé vous faire sentir abondamment les consolations de son Esprit par nostre Seigneur Iesus.

De Londres ce 27
Nouembre 1622.

Vostre tres humble & tres-
affectionné seruiteur,

I. de Grauelle.



ACTI^N DE GRA- CES (EN FORME DE MEDITATION) FAICTE A

*Dieu sur la vie redonnée à ses enfans
par le benefice de la Paix.*



L'Homme est miserable com-
me la misere mesme, conside-
ré en la condition de sa vie
subiecte à mille & mille ren-
contres toutes pleines d'amer-
tume. Le plus grand contentement qu'il
reçoit au monde n'est iamais entier, & la
douceur de ses plus grands plaisirs bien sou-
uent luy faict mal en le chatouillant. Ce
qu'il demande pour le resiouir, luy donne
de la tristesse, & d'ordinaire où il espere de
trouuer le subiect de consolation, c'est là
qu'il faict rencontre de mille douleurs. En
vn mot, l'homme a plus de mal à plusieurs
esgards luy seul, que tous les autres ani-
maux ensemble. Mais pourtant il ne s'ensuit
pas que simplement il faille faire mesme iu-
gement de l'estat de tous hommes, qui di-
stinguez & confiderez en gros, peuuent e-
stre

estre distinguez en deux sortes. Les vns au milieu des biens n'ont que mal. Les autres au milieu des maux sont environnez de biens. Les premiers sont au monde & pour le monde : Les autres conuerſent en terre, mais leur cœur & leur affection eſt au ciel. Les vns ne gouſtent & ne recognoiſſent point les graces decoulantes du ciel : les autres les ſentent & les cheriſſent plus que leur vie. Les vns ne ſçauent aucunement que c'eſt que l'Eſprit de ſanctification : les autres ont l'honneur & la grace de le porter & loger heureuſement au dedans d'eux. Les vns ne prient point l'auteur de toute donation, ſinon quand ilz n'en peuuent plus : les autres mettent tout leur ſolas & leurs delices en la priere faiçte en tout temps. Les vns viuent en perpetuelle ingratitude : les autres s'occupent à recognoiſtre les benefices receus en tout le cours de leur vie. En quoy ſe voit vne merueilleuſe difference, & principalement en ce dernier poinçt faiſant partie du ſeruice de Dieu. Me voici deſcendu en vn profond abyſme, abyſme des graces, des miſericordes, & des benediçtions de Dieu, lequel ſelon les richesses de ſes gratuitez qu'il fait reposer ſur nos teſtes, ſans fin & ſans ceſſe, nous donne matiere en receuant tous biens de ſa main, luy en rendre
actions

actions de graces immortelles. Le fidelle est
 ravi en admiratiō quand il pense à ces cho-
 ses, & son esprit demeure comme fondu &
 hors de luy mesme, soubleué & porté ius-
 ques au ciel, & à Dieu qui le reçoit & vnit à
 soy mesme. Les pensées de l'esprit de l'hom-
 me, alors n'ont rien moins que les qualitez
 de l'homme. Les saincts esclans de l'ame vi-
 uifiée & sanctifiée l'a portent à la grace du
 ciel, pource que la grace d'en haut s'est fait
 goustier & sauouer extraordinairement à
 elle. O Dieu, quelle douceur que la dou-
 ceur des consolations de ton Esprit, par-
 lant à nous & nous faisant parler à toy, nous
 conduisant, nous benissant, conseillant, con-
 solant & deliurant à tout propos, & par mi-
 racle & par le ministere des Anges. Celuy
 qui est marqué de la marque des enfans de
 Dieu, ayant le seau de la foy planté dans
 son cœur par son Esprit parmy les difficul-
 tez, amertumes, & fascheux accidens de la
 vie humaine, recognoist, touche, sent la
 vertu, le pouuoir & efficace de la verité, &
 de la certitude des deliurances & assistances
 qu'il oütroie à ses enfans. Et apres ce senti-
 ment ces enfans ainsi fauorisés & deliurés
 annoncent ses louanges, & rendent actions
 de graces immortelles à l'Immortel. C'est
 à quoy l'Eglise de Dieu est appelée main-
 tenant

tenant pour la deliurance à elle donnée par
 la misericorde du Toutpuissant, qui a fait
 merueilles en nos iours en rachettant Israel
 de tribulation. O Eternel qui prends plaisir
 à l'exaltation de ton grand Nom, fay nous
 la grace, & nous donne de le pouuoir exal-
 ter & magnifier selō ta bonne volonté. Cō-
 bien grande est ta misericorde, ta bonté, ta
 pitié! combien grandes sont les compas-
 sions desquelles tu as vŕé enuers nous! Nous
 qui auons meritē non seulemēt d'estre cha-
 stiez, mais aussi exterminiez du milieu des
 hommes, qui nous sommes monŕez in-
 grats & ennemis de nostre propre salut, qui
 auons fait combattre nos vœus contre nos
 vœus mēmes, qui auons veu tout desrei-
 glé, tout desbordé, point d'honneur, point
 de vertu, la foy sans ses qualitez, la perfidie
 avec les ſiennes, le vice avec sa suite, vn
 monde de maux au monde, le discours de
 la raison noyé dedans son contraire, l'in-
 iustice du temps meschamment destruisant
 la iustice mēme, l'impudente temerité fai-
 sant trophée de sa folie, les inuentions dont
 la memoire doit estre exterminée reuiuan-
 tes, parmi le conseil de l'amitié les inimities
 glissēz & exercēz cruellement, l'hypocri-
 sie redoublée pour le dommage de ceux
 qui vivent en innocence, le seruice de Dieu
 fou-

foulé aux pieds, les remonstrances des bons Euesques & excellens Pasteurs tirées malheureusement en subiect de risée. Brief, tout reduict à l'extremité d'un horreur & mal espouuantable en soy & en toutes ses circonstances.

Et neantmoins Seigneur, nonobstant tant d'ingratitude dont nous sommes rachez, tant de desordres, tant d'iniquitéz & forfaits, tu as fait luire sur nous ta face en ioye & en salut. Tu t'es leué pour releuer pour sauuer les tiens. Il t'a plu regarder la desolation de Sion: Tu as entédu les pleurs, les cris & les gemissemens des affligez. Grand Dieu, à ceste nouuelle les humains demeurent saisis d'estonnement, de ioye, & d'une liesse incroyable. Pere misericordieux tu as couuert l'imperfection qui s'est trouuée en nos iusnes particuliers, & en nos iusnes generaux, de la perfection de ton Filz Iesus: & ainsi Seigneur & bon Pere, tu as eu agreable nostre humiliation.

Benit soit à iamais ton Nom glorieux. A toy Seigneur seul soit l'honneur de tes graces. A toy Seigneur seul soit l'honneur de tes ceuures miraculeuses. Fay Seigneur, s'il te plaist, que ceste deliurance, ceste paix accordée à ton Eglise, soit à iamais grauée dedans nos souuenances, pour t'en rendre
actions

actions de graces eternelles , pour te seruir ainsi que nous deuons, & mieux qu'au parauant , pour paroistre & veritablement estre consacrez à ton obeissance , dediez à ton saint seruice, & vouez avec zele, affection, & ardeur grande, à l'exécution de tous tes commandemens.

Et te rendant graces ô nostre grand Dieu, nous te demandons vne autre grace , Qu'il te plaise ne permettre que iamais nous attribuions la cause de nostre deliurance à autre bras qu'au tien, puis que toy seul es la cause de nostre deliurance, deliurance esperée, & par consequent plus douce, plus admirable, plus cherissable mille fois. Pere saint ; quand la vision n'est plus, quand ta parole & la predication d'icelle cesse, quand les Oracles manquent, tout va à rebours, la confusion seule a le dessus, & ne voit on autre chose qu'une Iliade de maux. Quand ceste nourriture, ceste manne & pasture celeste est desniée, les facultez de l'homme interieur tombent en atrophie & finalement succombent. Mais aussi quand tout cela reuiuent par le benefice de la Paix donnée de Dieu à son Eglise, c'est vne lumiere, vne pasture nonpareille, pasture viuifiante, & qui plus est, la vie, laquelle tu nous as redonnée afin d'inuoyer ton Nom. Qu'à
iamais

iamaï nous l'inuouions avec la foy de tes
 enfans , te prions sans cesse viuans & mou-
 rans contens en vn tel exercice dont les ef-
 fects dressent nos actions à viser constam-
 ment au but de ta gloire , qui est la fin de
 nostre naissance. Te priant & t'inuouant
 comme nous deuons, nous recognoistrions
 & confesserons nostre misere, nous implo-
 rerons ta misericorde, nous obtiendrons tes
 benefices , & te rendant actions de graces
 pour iceux, nostre recognoissance faicte se-
 lon ton commandement sera vn tiltre de
 nouuelles graces qu'à l'aduenir nous rece-
 uurons. Que ton Esprit donc forme nos de-
 mandes , & qu'ainsi Pere celeste tu nous
 donnes ce que luy mesmes t'aura deman-
 dé pour nous. Eternel donne nous s'il te
 plaist de faire plus d'estat de la predication
 de ta parole que nous n'auons fait ci deuât,
 de rechercher tous moyens de l'entendre
 plus souuent, de profiter par icelle, d'aller de
 foy en foy , de pieté en pieté , de cognois-
 sance en cognoissance , de charité en chari-
 té. Oétroye nous ce bien , que tout le reste
 de nos iours nostre plus ardent desir soit
 d'auoir ta Loy proposée deuant les yeux, &
 d'apprendre ta sagesse , cognoissant ta vo-
 lonté, & embrassant ta verité. Quelque cho-
 se qui arriue , que iamaï nous ne murmu-
 rions,

rions, mais nous tenions sans mot dire adorans tes iugemens. Que la foy, l'esperance & la charité soyent en nous nourries, fomentées, illustrées de la vertu de patience, qui demeurant en nous immortelle, les portes toutes à l'immortalité. Ainsi faisant & estant nouueaux hommes & nouuelles creatures, ta grace accompagnera nos actions, ta beneficence sera proche de nous, & ta sainte benediction demeurera à iamais dedans nos maisons. Derechef, Seigneur nous benissons ton saint Nom, nos ames te louent, te glorifient, & t'offrons nos ames mesmes en sacrifice, désirât nous qui sommes temples de ta gloire, n'estre & ne faire iamais vn sepulchre de ta bonté. O Dieu fay que ceste deliurance demeure registrée és monumens publicqs de ton Eglise, tout ainsi que les heureux iours de nostre sacré Baptisme. Tu as ouy la voix de nos supplications, ta iustice a frappé les vns, ta pitié a appelé les autres. Fay Seigneur que la priere qui t'a appelé à nostre secours, ne cesse point apres qu'il est venu, que la priere qui a demandé ta grace continue encores apres l'auoir obtenue. Que nos prieres qui ont fait monter nos cœurs à toy en l'aduersité, soyent encores organes de salut en la prosperité, de sorte que nos cœurs

& nos corps dediez à toy, comme tu es Pere de l'un & de l'autre, nostre conuersation d'ici bas ait quelque chose de celeste, & suivis la sainteté, sans laquelle nul ne te verra iamais, afin qu'apres auoir paracheué heureusement nostre course, & nous estans esiois en ton salut d'une liesse & ioye spirituelle pour la paix de Ierusalem, finalement Pere de grace & de bonté appellez à la participation de tes graces au ciel, iouissions d'une paix, ioye, & liesse surmontans toute cognoissance & toute autre ioye, en la compagnie des milliers d'Ange, pour te louer & glorifier avec eux eternellement. Amen.

Maiores egit Deus.

Δις μεγαλὸν ἐκπλ.

[The page contains faint, illegible markings.]

...the time ...

1890